



Ovttaveardásašvuođa- ja dásseárvolávdegoddi: nissonpáraid ii oaččo olgguštit dearvvašvuođafuolahusa sahkanahttindivššus.

Ovttaveardásašvuođaáittardeaddji bivddii ovttaveardásašvuođa- ja dásseárvolávdegotti dutkat, leigo dearvvašvuođafuolahusa áššehas olgguštuvvon, go sus lei gildojuvvon vejolašvuohtha sahkanahttindikšui almmolaš dearvvašvuođafuolahusas. Áittardeaddji maiddái bivddii lávdegotti dutkat ledjeho universiteahttabuohcceviesuid jođiheaddjiallodoaktárat dahkan iežaset sivalažžan ovttaveardásašvuođalágas gildojuvvon olggušteaddji meannudeapmái. Sii ledje addán buohccedikšunbiirii mearrádusa, man vuodul dihto pasieantajoavkkut, dego iehčanas nissonat dahje nissonpárat, guđđojuvvojedje oalát eret almmolaš dearvvašvuođafuolahusa sahkanahttindivššus. Lassin áittardeaddji bivddii lávdegotti heaitit vástideaddjiid joatkimis dahje ođasmahttimis meannudeami, mii olggušta ja ásahii áittasáhku gildosa gievrudeapmin.

Jođiheaddjiallodoaktáriid oktasaš linnjágeassima mihttomearrin lei resurssaid reahkkáma fuolaheapmi. Ovttaveardásašvuođa- ja dásseárvolávdegotti mielas dearvvašvuođafuolahusa resurssaid dorvvasteapmi lea daninassii dohkkehahtti mihttomearri ovttaveardásašvuođas oaivvilduvvon vugiin. Dohkkehahtti mihttomearri ii goittotge vel okto atte rievtti sirremii, muhto lávdegoddi galgai árvoštallat ledjege mihttomeari fáhtema dihtii dahkkon vuogit vealtameahttumat ovttaveardásašvuođalágas oaivvilduvvon vugiin.

Áššis ii lean čielggaduvvon, ahte iigo almmolaš dearvvašvuođafuolahusa resurssaid reahkkáma dáhkkideapmin livčče lean vuogit válljenláhká, mat eai livčče oaivvildan mange joavkku olggušteami. Ovttaveardásašvuođaáittardeaddji lei ovdamearkan evttohan buohkaid sahkanahttindivššu dárbbášeaddjiid stivrema dikšunvuordinráidui. Resurssaid reahkkáma dorvvasteapmin ii danin livččii lean vealtameahttun bidjat buot nissonpáraid seksuála doaladumi dihtii oalát sahkanahttindivššuid olggobeallái. Dan dihtii ovttaveardásaš- ja dásseárvolávdegoddi oinnii, ahte vástideaddjiid dán áššis geavahan vuohki daninassii dohkkehahtti mihttomeari fáhtemii ii lean ovttaveardásašvuođalágas oaivvilduvvon vugiin rivttes lágan. Eandalii moaitima vuollásaš lei lávdegotti mielde dat, ahte dearvvašvuođafuolahusa áššehassii ledje biehttan addit sahkanahttindivššu, vaikke son lei skáhpon divššus dárbbálaš sohkkasealaid iežas goasttádusain.

Ovttaveardásašvuođa- ja dásseárvolávdegoddi gávnnašii, ahte jođiheaddjiallodoaktáriid galget doaimmaidisguin čuovvut ovttaveardásašvuođalága dego lága galgá dulkot vuodđolágas dorvvastuvvon vuodđovuogitvuodaid ja Suoma riikkaidgaskasaš olmmošvuogitvuodaid vuhtii váldimiin. Sahkanahttindivššu biirii gullevaš joavkkuid ráddjemis ii sáhte meannudit ovttaveardásašvuođalágas oaivvilduvvon olgguštemiin.

Ovttaveardásašvuođa- ja dásseárvolávdegoddi geahčai jođiheaddjiallodoaktáriid addán buohccedikšunbiriideaset olggušteaddji mearrádusa ja gildii sin joatkimis olggušteami. Lávdegoddi maiddái oinnii, ahte áššehas lei olgguštuvvon su seksuála doaladumis dihtii, go sutnje ledje biehttan addit almmolaš dearvvašvuođafuolahusa sahkanahttindivššuid. Lassin lávdegotti mielas jođiheaddjiallodoaktárat ledje biehttan ovddideamis ovttaveardásašvuođa ovttaveardásašvuođalága 5 §:a 1 momeantta mielde.

Ovttaveardásašvuođa- ja dásseárvolávdegoddi ásahii gielldinmearrádusas ja mearrádusas beavttálmahttimii guđege áššis vástideaddjin lean buohccedikšunbire jođiheaddjiallodoaktárii 30 000 euro sturrosaš áittasáhku.



Dáhpáhusčilgehus lea oppalaččat almmustahttojuvvon ovtaveardásašvuođa- ja dásseárvolávdegotti internet-siidduin:

http://yvtltk.fi/fi/index/materiaalit/tapausselosteet_3/tapausselosteet2016_1.html

Lassidieđut: Ovtaveardásašvuođa- ja dásseárvolávdegotti válđočalli Juhani Kortteinen
t. 0295 150151, šleađgapoasta: juhani.kortteinen@oikeus.fi

OVTTAVEARDÁSAŠVUOĐA- JA DÁSSEÁRVOLÁVDEGODDI

Ovtaveardásašvuođa- ja dásseárvolávdegoddi lea stáhtaráđi nammadan iehčanas ja sorjjasmeahtun vuoigatvuođadorvoorgána. Dat bearráigeahččá ovtaveardásašvuođalága ja dásseárvolága čuovvuma priváhta doaimmas sihke almmolaš hálddahus- ja fidnodoaimmas. Bargoeallima guoskevaš gažaldagat eai gula ovtaveardásašvuođa- ja dásseárvolávdegotti doaimbaváldái eará go dásseárvolága heivehansuoggis.

Ovtaveardásašvuođa- ja dásseárvolávdegotti doaimbaváldái eai gula priváhta- ja bearašeallimii gullevaš áššit, iige oskku härjeheapmi.

Ášši sáhtá ovddidit lávdegotti gieđahallamii dat, geasa olgguštan meannudeapmi čuohtá, dahje ovtaveardásašvuođaáittardeaddji. Maiddái searvvit sáhttet oazžut ohcamuša johtui lávdegottis áššeomasteaddji miehtamiin. Dásseárvolága heivehansuorgái gullevaš áššiin ášši sáhtá ovddidit lávdegotti gieđahallamii dušše bargomárkaniid guovddášorganisašuvdna dahje dásseárvolávdegotti áittardeaddji.

Lávdegoddi ii válde dutkama vuollásažžan ášši, mii lea jođus duopmostuolus dahje eará virgeoapmahaččas.

Lávdegotti doaimban lea addit vuoigatvuodasuoji daidda, geat leat vásihan olgguštuovvon dahje šaddan olggušteapmái gullevaš gildojuvvon vuostedoaimmaid vuollásažžan.

Ovtaveardásašvuođa- ja dásseárvolávdegoddi sáhtá gielidit joatkimis dahje ođasmahttimis olggušteami dahje vuostedoaimmaid ja ásaht mearrádusa čuovvuma beavttálmahttimin áittasáhku ja dubmet dan máksojuvvot.

Lávdegoddi sáhtá mearridit áššeosálačča álggahit govttolaš áigemeari siste doaimbajuid ovtaveardásašvuođalágas ásavuvvon geatnegasvuođaid deavdimii. Dat sáhtá maiddái nannet oassebeliid gaskasaš soahpama.

Lávdegoddi ii sáhte mearridit buhtadusa dahje eará buhtadusa máksojuvvot

Lávdegoddi sáhtá addit maiddái cealkámuša ovtaveardásašvuođalága dahje dásseárvolága heiveheamis duopmostuoluid, ovtaveardásašvuođa- dahje dásseárvolávdegotti áittardeaddji dahje eará virgeoapmahačča dahje searvvi bivdaga vuodul.

Lávdegotti mearrádusain sáhtá ohcat nuppástusa hálddahusrievttis.

Ohcamuša gieđahallan lávdegottis lea nuvttá, ja dan doaimmahusgirjijt leat nuvttá. Eará iežaset gearretgoluin áššeosálaččat vástidit ieža.

Lassidieđuid ovtaveardásaš- ja dásseárvolávdegottis: <http://yvtltk.fi/fi/>

Ovtaveardásašvuođa- ja dásseárvolávdegoddi
PB 27
FI-00023 Stahtaráđi

Ovtaveardásašvuođa- ja dásseárvolávdegoddi šleađgapoasta: yvtltk@oikeus.fi